

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
Ո Ր Ո Շ ՈՒ Մ**

վարչական տույժ նշանակելու մասին

24 նոյեմբերի 2023թ.

ք.Գյումրի

Ես՝ ՀՀ պետական եկամուտների կոմիտեի Հյուսիսային մաքսատուն-վարչության պետ Հարություն Ազգալոյանս քննելով՝ Հայաստանի Հանրապետության քաղաքացի Արտյոմ Մխիթարի Մանուկյանի (անձնագիր՝ AT0313882, ծնված՝ 19.03.1978թ., հասցե՝ ք.Երևան, Կոմիտասի 61, բն.33, ք.Երևան, Արաբկիր, Ն.Ջարյան փողոց, 2 շենք, բն.15) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Արտյոմ Մխիթարի Մանուկյանի անվամբ թիվ 05100022/251222/0000762706/00 մաքսային մուտքի օրդերով 89 օր ժամկետով՝ մինչև 24.03.2023 թվականը /այնուհետև երկարաձգվել է մինչև 24.09.2023թ./ Հայաստանի Հանրապետություն է ներմուծվել 2021 թվականի արտադրության AUDI E-TRON SPORTBACK մակնիշի, FYM555E պետհամարանիշի, WAUZZZGE9MB028650 նույնացման համարի ավտոմեքենա: Սահմանված ժամկետում նշված ավտոմեքենան չի արտահանվել, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 3-րդ բաժանմունքի պետ Աղաջան Հովսեփյանի կողմից 05.10.2023 թվականին Արտյոմ Մխիթարի Մանուկյանի նկատմամբ կազմվել է մաքսային կանոնների խախտման վերաբերյալ արձանագրություն «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներով:

Գործի քննությունը նշանակվել է 24.11.2023 թվականին ժամը 15:00-ին: Արձանագրության և ծանուցագրի օրինակը պատշաճ կարգով ուղարկվել է կողմին:

Սույն վարույթի շրջանակներում Արտյոմ Մխիթարի Մանուկյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 26.10.2023 թվականի թիվ /27.2/64585-2023 գրությամբ հարցում է կատարվել ՀՀ ՆԳՆ միգրացիայի և քաղաքացիության ծառայություն՝ Արտյոմ Մխիթարի Մանուկյանի հաշվառման վայրի մասին տեղեկություններ տրամադրելու վերաբերյալ: ՀՀ ՆԳՆ միգրացիայի և քաղաքացիության ծառայություն 31.10.2023 թվականի թիվ 42/8/130995-23 գրության համաձայն՝ քաղաքացի

Արտյոն Մխիթարի Մանուկյանը 24.01.2022թ. հաշվառված է «Երևան, Արաբկիր, Կոմիտասի պողոտա, շենք 61, 33 և նկուղ» հասցեում:

ՀՀ ՊԵԿ գլխավոր քարտուղարի 26.10.2023 թվականի թիվ 1/27.2/64584-2023 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի 01.11.2023 թվականի թիվ ՄԽ/15194-2023 գրությամբ տեղեկացվել է, որ ըստ Կադաստրի կոմիտեի էլեկտրոնային արխիվի տվյալների՝ քաղաքացի Արտյոն Մխիթարի Մանուկյանի անվամբ Արմավիրի մարզ, համայնք Արաքս, գյուղ Գայ, Երևանյան փողոց թիվ 39/2 և քաղաք Երևան, Արաբկիր, Ն.Զարյան փողոց, 2 շենք, 15 բնակարան հասցեների անշարժ գույքի միավորների նկատմամբ գրանցված է ընդհանուր համատեղ սեփականության իրավունք:

ՀՀ ՊԵԿ Հյուսիսային մաքսատուն-վարչության պետի 26.10.2023 թվականի թիվ 1/27.2/64589-2023 գրությամբ հարցում է կատարվել ՀՀ արդարադատության նախարարության իրավաբանական անձանց պետական ռեգիստրի գործակալություն՝ գրանցված լինելու վերաբերյալ տեղեկություններ ստանալու համար: ՀՀ արդարադատության նախարարության իրավաբանական անձանց պետական ռեգիստրի գործակալության 30.10.2023 թվականի թիվ 1/25.8./46410-2023 գրությամբ տրամադրված տեղեկությունների համաձայն Արտյոն Մխիթարի Մանուկյանը 30.10.2023թ. դրությամբ հաշվառված չէ գործակալությունում որպես անհատ ձեռնարկատեր և չի հանդիսանում որևէ ՍՊԸ-ի մասնակից:

ՀՀ ՊԵԿ Հյուսիսային մաքսատուն-վարչության պետի 05.10.2023 թվականի թիվ Ն/27.2/193089-2023 գրությամբ հարցում է կատարվել ՀՀ ՊԵԿ ներքին անվտանգության վարչություն Արտյոն Մխիթարի Մանուկյանի սահմանատումների վերաբերյալ տեղեկատվություն ստանալու նպատակով: ՀՀ ՊԵԿ Ներքին անվտանգության վարչության 10.10.2023 թվականի թիվ Ն/2-4/193477-2023 գրությամբ տրամադրված տեղեկությունների համաձայն Արտյոն Մխիթարի Մանուկյանը 25.12.2022 թվականին Բավրայի սահմանային անցակետով ՀՀ է ներմուծել AUDI մակնիշի FYM555E պետհամարանիշի ավտոմեքենա: «Մաքսային կարգավորման մասին» ՀՀ օրենքի 332-րդ հոդվածի 2-րդ մասի համաձայն՝ մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:

ԵՏՄ մաքսային օրենսգրքի 264-րդ հոդվածի 5-րդ մասի համաձայն՝ Ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման, բացառությամբ այն դեպքերի,

երբ նշված անձնական օգտագործման տրանսպորտային միջոցները դատարանի որոշմամբ քոնազրավվել կամ դարձվել են անդամ պետության սեփականություն (եկամուտ) կամ, սույն Օրենսգրքի 16-րդ հոդվածի 2-րդ կետին կամ 382-րդ հոդվածի 6-րդ կետին համապատասխան, ձեռք են բերել Միության ապրանքների կարգավիճակ կամ, նշված անձնական օգտագործման տրանսպորտային միջոցների հետ կապված, ի հայտ են եկել սույն Օրենսգրքի 14-րդ հոդվածի 7-րդ կետի 8-րդ ենթակետով նախատեսված հանգամանքներ:

Մինչեւ այն ժամկետի լրանալը, որի ընթացքում ժամանակավոր ներմուծված անձնական օգտագործման տրանսպորտային միջոցները կարող են ժամանակավոր գտնվել Միության մաքսային տարածքում, հայտարարատուն իրավունք ունի այդ տրանսպորտային միջոցները սույն Օրենսգրքով սահմանված կարգով ձեւակերպելու «մաքսային տարանցում» մաքսային ընթացակարգով:

Այն ժամկետը լրանալու դեպքում, որի ընթացքում ժամանակավոր ներմուծված անձնական օգտագործման տրանսպորտային միջոցները կարող են ժամանակավոր գտնվել Միության մաքսային տարածքում, այդ տրանսպորտային միջոցները սույն Օրենսգրքով սահմանված կարգով ձեւակերպվում են «մաքսային տարանցում» մաքսային ընթացակարգով, կամ այդ տրանսպորտային միջոցների համար իրականացվում է մաքսային հայտարարագրում՝ արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով:

Ժամանակավոր ներմուծված անձնական օգտագործման տրանսպորտային միջոցները, անդամ պետությունների օրենսդրությանը համապատասխան, առգրավելու կամ դրանց վրա արգելանք դնելու դեպքում անձնական օգտագործման այդ տրանսպորտային միջոցների համար ժամանակավոր ներմուծման ժամկետի ընթացքը կասեցվում է:

Ժամանակավոր ներմուծված անձնական օգտագործման տրանսպորտային միջոցների առգրավումը կամ դրանց վրա արգելանք դնելը վերացնելու մասին որոշում ընդունելու դեպքում անձնական օգտագործման այդ ապրանքների համար սահմանված ժամկետի ընթացքը վերսկսվում է այդ որոշումն օրինական ուժի մեջ մտնելու օրվանից, բացառությամբ այն դեպքերի, երբ անձնական օգտագործման այդ տրանսպորտային միջոցների առգրավումը կամ դրանց վրա արգելանք դնելը կապված է եղել ժամանակավոր ներմուծված անձնական օգտագործման տրանսպորտային միջոցները Միության մաքսային տարածքում փոխանցելու՝ սույն հոդվածի 9-րդ կետով նախատեսված պայմանը հայտարարատուի կողմից խախտելու հետ:

Ժամանակավոր ներմուծված անձնական օգտագործման այն տրանսպորտային միջոցները, որոնց հետ կապված, մինչեւ սույն հոդվածի 1-ին կետում կամ 2-րդ կետում նշված ժամկետը լրանալը չեն իրականացվել սույն կետով նախատեսված գործողություններ, արգելանքի են վերցվում (արգելապահվում են) այն անդամ պետության մաքսային մարմնի կողմից, որի տարածքում գտնվում են այդ տրանսպորտային միջոցները՝ սույն Օրենսգրքի 51-րդ գլխին համապատասխան, բացառությամբ այն դեպքի, երբ մինչեւ այդպիսի արգելանքի

տակ վերցնելն ի հայտ են եկել սույն Օրենսգրքի 268-րդ հոդվածի 2-րդ կետի 5-րդ ենթակետում նշված հանգամանքները:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 309-րդ հոդվածի 1-ին մասի համաձայն՝ Ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված մաքսային վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության տասը տոկոսի չափով, բայց ոչ պակաս, քան երեսուն հազար դրամի չափով:

Արտյոմ Մխիթարի Մանուկյանի անվամբ թիվ 05100022/251222/0000762706/00 մաքսային մոտքի օրդերով հայտարարագրված տրանսպորտային միջոցը «Ներքին սպառման համար բացթողում» մաքսային ընթացակարգով ձևակերպելու դեպքում կառաջանան 15% ներմուծման մաքսատուրք՝ 3.136.425 ՀՀ դրամի չափով (հիմք՝ Հյուսիսային մաքսատուն-վարչության մաքսային գործառնությունների բաժնի պետի ժամանակավոր պաշտոնակատարի 18.10.2023թ. թիվ 4424 զեկուցագիր):

Ստանալով ծանուցումը, Արտյոմ Մխիթարի Մանուկյանը չի ներկայացել վարչական գործի քննությանը և որևէ առարկություն, բացատրություն չի տվել:

Այսպիսով, վարույթի նյութերով հիմնավորվում է, որ Արտյոմ Մխիթարի Մանուկյանը սահմանված ժամկետում չի վերաարտահանել ՀՀ ներմուծված ավտոմեքենան, ինչով պայմանավորված՝ թույլ է տվել «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտում:

Հիմք ընդունելով ՀՀ Վարչական իրավախախտումների վերաբերյալ օրենսգրքի 32-րդ և 234-րդ հոդվածները, «Մաքսային կարգավորման մասին» ՀՀ օրենքի 309-րդ, 322-րդ և 334-րդ հոդվածները.

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտում կատարելու համար Արտյոմ Մխիթարի Մանուկյանին ենթարկել վարչական պատասխանատվության՝ տուգանելով 3.136.425 ՀՀ դրամ մաքսային վճարների տասը տոկոսի չափով՝ **313.643 ՀՀ դրամ**:
2. Որոշման մասին հայտնել Արտյոմ Մխիթարի Մանուկյանին:
3. «Մաքսային կարգավորման մասին» ՀՀ օրենքի 334-րդ համաձայն որոշումն ուժի մեջ է մտնում այն կայացնելու պահից և կարող է վերադասության կարգով բողոքարկվել «Մաքսային ծառայության մասին» օրենքի 37-րդ հոդվածի համաձայն կամ ՀՀ վարչական դատարան՝ երկամսյա ժամկետում:

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ
ՊԵՏ՝ ՀԱՐՈՒԹՅՈՒՆ ԱԶԳԱՆԴՅԱՆ



Որոշման օրինակը _____ հավելվածներով 3 (երեք) էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

« _____ » _____ 2023թ.
(որոշման օրինակի ստացման ամսաթիվը)

Ծանոթություն. Սույն որոշմամբ նշանակված փոյժի գումարը ենթակա է վճարման Կենտրոնական գանձապետարանի №900005024055 հաշվեհամարին **28** ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադրումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: